



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : Kowloon Tong Government Primary School

學校名稱 : 九龍塘官立小學

Name of Play 劇名 : 邊個搞到天神無得瞓？

Script writer 劇作者 : 全體學生 及 陳力生 (導師)

Synopsis 故事大綱 :

天神認為現在人類無禮的言語實在太吵耳，令它不能入睡，於是命令禮貌之神和他的徒弟下凡，重新教導人類應有的禮貌。師徒兩人到了凡間的一個家庭，發現家中各人的行為言語都欠缺禮貌。師徒二人決定幫助這一個家庭，令他們重新明白待人有禮的重要性。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場

(各人在不同的區域說出一些沒有禮貌的態度，句子或處景)

A：喂！早晨啲！

B：攞你支筆用下啫，駛咩咁惡呀！

C：邊個叫你生得矮咩！

D：做咩啫？又唔係特登踩你嘅！

E：我鍾意呀！唔得咩！

F：關愛坐咪關愛坐囉！點解要讓俾你？

G：等我用手機拍低放上網先！

H：你游游下急，咪係泳池去囉！

I：有位唔坐都對唔住自己啦！

J：你咁醜樣就唔好出嚟行街啦！

K：我鍾意點就點，關你咩事？

L：係你隻鞋面攝落我鞋底度之嘛！

M：對唔住囉！

N：我去完廁所有洗手咁又點啫！

O：爺爺，恭喜發財！快啲俾利是我！

眾：咩呀！我大聲講野唔代表我有禮貌！

天神 VO：夠喇！

(燈轉，禮貌之神步出，搖搖頭心事重重)

禮：唉！.....唉！.....唉！.....唉

徒：唉！師傅！

(徒弟仔急步出)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

徒：死喇師傅！死喇師傅！師傅死喇！

禮：我睬！闌住！師傅生勾勾企係度又點會死呢？更何況我係天上神仙，就更加唔會死啦！

徒：師傅！你係禮貌之神，我係你徒弟，又點會咒你死咁冇禮貌呀！

禮：都算你講得通啦！咁你因咩事嘈喧巴閉啊？

徒：吖！係呀係呀！死喇死喇.....

禮：唔好再講個死字啦？究竟發生咩事？

徒：吖！弊喇弊喇，天神好唔高興呀.....

禮：我知吖！

徒：佢話而家凡間啲人真係太無禮貌，啲啲咁難聽嘅聲音真係嘈到佢瞓唔到覺！

禮：我都知吖！

徒：於是佢就周圍搵人傾計諗辦法，睇吓點樣改變呢個情況！

禮：我梗係知啦！

徒：點解你咩都知既？

禮：因為同天神傾足三日三夜冇得瞓個咪我囉！

徒：下！係咩？！

禮：仲好講！叫你哋好好咁教導下面既凡人要學識點樣守禮，你哋做咗啲咩吖？

徒：師傅！你有所不知喇！真係有太多凡人有禮貌喇！我哋每個師兄師姐要教既人數比例點止一比四十呀，直情要去到一比九萬九添呀

禮：有冇咁誇張呀？

徒：一啲都唔誇張呀！

禮：咁你哋見到佢哋做啲咩係冇禮貌吖？

徒：講起就得人驚喇！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

（徒帶師傅四處看，其他演員做出情景）

徒：你睇下，排隊打尖唔在講～塔剎時嚟晒其他樓層，等其他人有排等～明明車箱不准飲食，竟然仲可以有人食雪糕～爭位坐唔讓坐就多到數唔到～帶狗狗行街，狗狗去完便便都唔清潔～仲要隨地吐痰幾冇公德心～講起便便就最恐怖，自己去完便便又唔冲廁～洗完手你睇下……啲水 **fing** 到周圍都係，滑親人點算呢？

呢啲全陪都係而家啲凡人成日做既有禮貌行為！

禮：唉！點解個世界會變成咁樣架？好多年前我所教導，人：係要克己服禮，世界如果冇咗禮貌，就會秩序大亂，咁簡單既道理都唔知，真係令我好痛心啊！天啊！世界變喇！世界變喇！

徒：師傅呀……師傅呀……師傅！我唔係想阻止你係度痛心疾首，不過件事真係要快啲解決，如果唔係天神又捉你去傾計喇！

禮：係喎！仲好講！一日都係你哋唔好好用功學習，先至教唔好啲凡人！

徒：係既係既……師傅你講得啱！咁……即係點解決呢？

禮：唯有老夫去凡間一趟睇下有咩解決方法！

徒：咁希望師傅你速去速回！馬到功成！

禮：做咩？你估你唔駛去咩？

徒：吓……我

禮：我咩？

徒：我……我諗住煲定湯等你返嚟飲啫！

禮：仲講！快啲帶路！

徒：係師傅！（兩人跳起，燈暗）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第二場 有禮之家

(姐姐在上 fb，不時發出笑聲，弟弟在打機，麻麻在織頸巾)

弟：死....死.....死.....

姐：有冇攞錯呀.....呢啲人真係唔知醜....吖！等我都回應下先.....

麻：細佬！做咩成日都係度死死死聲呀？

弟：死啦.....死啦.....你仲唔死

麻：細佬呀！唔好成日都死死聲啦！好冇禮貌㗎！唔好玩住，俾麻麻度下條頸巾既長度先....嚟嚟嚟

弟：麻麻你唔好阻住我.....哎呀！麻麻死咗喇！

麻：睬！大吉利是！麻麻身體都唔知幾好！

弟：你梗係冇死啦！你攞到我死左喇！

麻：都話唔好成日死死聲，唔吉利㗎！

弟：是但啦！而家咩年代呀？話死就咁易死咩？

姐：細佬！唔可以同麻麻咁講嘢㗎！同麻道歉！

弟：咩呀！佢攞到我死咗㗎！

姐：咁麻麻係長輩吖嘛，快啲道歉啦！

弟：唔.....

(弟跑回房內)

麻：家姐，媽媽有冇話幾時返呀？

姐：就掛.....

麻：都成八點半喇！你肚餓就去廚房攞件餅食住先啦！

姐：得喇！我唔肚餓！

麻：家姐你都係呀！一放學返嚟就對住個電腦，對得多個電腦好傷眼架！

姐：嘩！咁講都得嘅！同寫衰佢先！

麻：呢啲咩嚟㗎？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

姐：facebook 囉，我同人傾緊計呀！

嫲：傾緊啲咩呀？

姐：傾緊班嗰度啲男仔囉，真係好乞人憎……等等…咩呀！我話佢鐘意咗人就真啦！

嫲：家姐，當嫲嫲唔識！呢啲係網上講是講非既呢都係少啲玩啦！會影響成績㗎！

姐：得啦！嫲嫲，我知架喇……

嫲：都係打個電話俾阿媽先！

（正當嫲嫲拿起電話，媽媽拿着外買入）

媽：家姐細佬開飯喇！

嫲：今日咁晏嘅！

媽：公司好多野做呀！最近公司裁員，少咗幾個熟手，請返嚟新啲啲又唔識做，又蠢又學得慢，一夠鐘收工就唔知去左邊，真係激死！

嫲：慢慢教啦！有邊個一生出來就識做嘢吖！

媽：唔識唔緊要啊，個態度差先乞人憎吖嘛！懶懶閑閑咁樣，呢頭講完個頭又唔記得！家姐細佬

呢？姐：係房！

媽：唔好掛住上網啦！食完飯我仲有好多野做啊！

姐：哦！

媽：（大叫）細佬出嚟食飯呀！我食完就收晒啲碗碟唔等你架！

（燈轉）（禮及徒出現）

禮：徒弟，你帶我嚟呢度……

徒：師傅你睇下呢家人先啦！

（眾人埋位食飯，細佬仍拿著手機打機，姐姐拿着手機上網，媽媽拿着手機 whatsapp）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

嫲：大家食飯.....（沒有人回應）

嫲：大家係咪應該叫人食飯先呢？

弟：叉燒...好野！

媽：食飯啦！

嫲：唉！

嫲：等我食件雞先！

姐：嘩！雞髀！

嫲：姐姐，夾餸要夾係自己前邊啲，夾人啲啲的好冇禮貌架！

媽：算啦呀媽，啲細佬由得佢啦！食件雞！（大聲）細佬唔好再打機喇！快啲食！

弟：咪食緊囉！

（三人繼續低頭望着電話食飯）

嫲：唉！真係食不言囉.....（嫲嫲走去上香）

嫲：神明！求下你教下點樣做先至可以教好我啲屋企人識得禮貌啦！唉！我教咗幾十年書都攞成咁，真係失敗！

徒：師傅你依家明我點解要帶你來呢度啦！

禮：完全明白晒！叫人食飯呢啲最基本既禮貌呢家人都做唔到，真係令我好痛心！

徒：就係因為嫲嫲都有晒辦法，所以不斷求神幫助，我哋幫下佢啦！

禮：好！咁我哋就由呢家人開始！

（燈暗）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第三場 校園內

(梁主任四周巡查，看看同學的衣著是否整齊)

梁：同學早晨！

同 A：梁主任早晨！

梁：同學早晨！

同 B&C：梁主任早晨！

同 D&E：梁主任早晨！

梁：同學早晨！

(梁離開)

芬：你點整㗎？咁靚既！

嵐：唔係好難㗎，不過就好花時間，我都整咗幾個鐘。

芬：你都要整幾個鐘，我估我要整幾日呀！

嵐：我教你咪得囉！

芬：如果教就識咁我就唔駛成日都唔合格啦！美感呢樣野唔係個個都有！

嵐：點會呢！

(弟走入，禮與徒跟著)

芬：咁你今次又擺 A 啦！

嵐：唔知呢？

芬：嘩！小心！

弟：借過呀！

嵐：嘩！

(避開弟)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

嵐：陳志峰！你企係度！

弟：咩事啊？

芬：你點行路㗎！？

弟：用腳行囉！

嵐：你差啲整難我件勞作啊！快啲道歉！

弟：你都話差啲真係未爛啦！咁道咩歉啫？

芬：如果唔係我睇到你好似隻恐龍咁衝過嚟先，避唔到你就一定爛啦！

弟：避唔到先啦！（打呵欠）

嵐：阿芬！佢呢啲人咁冇禮貌，唔好同佢講！我哋走！

芬：哼！

（梁再出）

嵐芬：梁老師

梁：早晨！

（弟快步想走）

梁：同學咪行住！點解見到老師都唔打招乎呀？

弟：老師早晨！

梁：你尋晚好夜瞓咩？

弟：吓……唔係呀！

梁：唔係？咁點解你連鈕都扣錯？

弟：吓！哦……一時唔小心

梁：下次小心啲喇！

弟：哦！

梁：服裝儀容係一種禮貌㗎！

弟：知道！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

梁：快啲入廁所整番好佢啦！

弟：即刻去。

（兩人離開）（燈轉）（課室內各人在看着嵐的勞作，禮及徒在舞台上方）

眾：嘩！真係好仔細呀！

芬：阿嵐你大個一定係藝術家。

嵐：我都希望。不如大家俾我收埋佢先啦，就嚟上堂喇！

（眾人把勞作遞給嵐，嵐接過轉身，與正低頭扣鈕的弟撞上，勞作掉到地上爛了）

嵐/弟：哎呀！

嵐：呀！我個勞作呀！散晒喇！（在地上檢查着）

芬：今次真係爛咗喇！

弟：我冇心㗎！

芬：邊度有人搵低頭行路㗎？

弟：我扣緊鈕睇唔到呀！

嵐：我整咗成晚㗎！（哭）

芬：你快啲講對唔住啦！

弟：我都有心！

芬：咁係你整爛嘛！

弟：我.....我撞到佢之麻，又唔係我整爛.....

芬：仲話唔係你？你快啲講對唔住呀！

弟：我.....我.....我.....

芬：你我我我我我咩啫！道歉有幾難呀？

弟：我...講唔到！

嵐：你咁冇禮貌，我憎死你呀！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

徒：師傅，佢同人講一句對唔住既勇氣都有。

禮：咁你咪幫下佢囉！

徒：知道！（揮一下手）

A 心聲：呢個陳志峰真係嚟晒普！

B 心聲：整到人點可以唔講對唔住㗎！

C 心聲：平時就話自己好叻！講句對唔住都面青！

弟：邊個，邊個咁大聲講我！？

D 心聲：做咩！佢係咪傻㗎！

弟：邊個話我傻！？

芬：邊度有人講嘢啫！

E 心聲：我以後都唔想同佢玩！

弟：仲話冇！

A 心聲：做咩佢！

B 心聲：做咩佢！

C 心聲：真係唔好同佢做朋友！

D 心聲：佢係咪有病呀！

弟：邊個話我有病！？

芬：都冇人出聲！

芬心聲：真係傻咗！

弟：你頭先講咩？

芬：我話都冇人講嘢！

弟：之後呢……



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

芬：邊有之後啫！

（此時嵐走出班房）

嵐心聲：我憎死佢我憎死佢我憎死佢

弟：你聽唔聽到佢話憎死我呀？

芬：佢邊有講嘢啫！阿嵐！

衆心聲：你有禮貌係人都憎你啦！

弟：呀！點解會咁嘅！？我係咪有幻聽呀？

(燈暗)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第四場

(燈亮，衆人在台上不同的區域坐着，每人枱上有鍵盤代表用電腦中)

姐：喂！你係邊？

朋 A：係宿舍！

姐：你就好啦，有宿舍住！

朋 A：有幾好呀？

姐：起碼自由啲啦！

朋 A：你成日有屋企飯食仲好啦！

姐：喂！咁你係宿舍聽唔聽到 Janet Wong 發生咩事？

朋 A：咩事呀？

姐：我就係唔知先問你！你又問返我！

朋 B：佢成日無端端自己係度喊咩！

姐：佢一定係失戀啦！

朋 B：冇聽過佢有男朋友啫！

姐：咁我估佢一定係俾人拒絕啦！

朋 C：你唔好咁八卦啦！

姐：有人話佢屋企生意失敗！哈哈！佢以後就有得着成身名牌！

朋 C：你仲可以笑既！

姐：佢原來係鬼上身呀！

朋 D：宿舍有鬼？

姐：佢身邊成日都有咁多男仔，真係鬼都睇唔過眼！

禮：呢個女仔成日都係度講事非，說三道四……



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

徒：佢好似覺得係網上面講說話唔駛負責任咁

禮：真係大錯特錯！原全冇禮貌可言！徒弟仔……

徒：係！師傅！

（徒使用法術）

姐：你知唔佢有咗咩絕症呀？

朋 B：佢唔止有絕症，仲有精神病呀！

姐：我都覺得佢係有問題！

朋 E：佢有末期癌症，應該得三個月命！

姐：一個月命添呀！

朋 A：佢仲有痛風症！

朋 D：花粉症！

朋 C：退伍軍人症！

朋 F：心漏病！

朋 B：老人痴呆！

朋 E：佢有咗 BB 添呀！

姐：嘩！一個人邊可能有咁多病㗎！

眾：真架！

姐：Janet Wong 㗎！我最初只係知道佢成日喊㗎！

朋 A：Janet Wong

朋 B：Janet Wong

朋 C：Janet Wong

朋 D:Janet Wong

朋 E:Janet Wong

朋 F:Janet Wong

眾：唔係 Janet Wong 呀！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

姐：咁係邊個？

眾：陳樂思呀！

姐：我！

（燈轉）

（眾朋慢慢把椅子搬到台前組合成港鐵車廂內）

VO：往香港站嘅列車即將到站，請先讓乘客落車，多謝合作。

媽：借借借借……

（媽衝進車箱內坐下）

媽：好彩行得快，如果唔係就要企半個鐘！

（電話響）

媽：喂！我正想打俾你！……係港鐵囉……好彩行得快有位坐，嘩！今日真係忙到呢……咩話咁平，減價減到幾時呀？……真係好底呀……咁你問唔問到啫……你快啲去問下啦……

（一位老婆婆入，找不位，望著媽，媽有意無意避過婆婆的眼神，繼續在傾電話）

媽：有得人貨就梗係人貸啦！啲金會跌架！就算跌啦遲早都會升返！黃金黃金，梗係保值啦！我結婚時候啲龍鳳額，如果個價好，我都想買鬼左佢。

（媽隔離坐的乘客讓座給婆婆，媽媽仍繼續大聲講電話，其他乘客都覺得媽媽好嘈）

禮：係公眾場所點可以咁大聲講嘢架！好似全世界都得你一個咁樣！真係冇禮貌！

徒：佢仲打尖爭座位又唔讓座添。

禮：徒弟仔…

徒：知道！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

（徒揮一揮手，婆婆慢慢從袋中取出電話，不停大聲地重複媽媽講的說話，慢慢地，其他乘客都像婆婆一樣，不停重複媽媽的說話，最後，媽媽覺得很嘈吵，然後發現其他人都跟著自己說話，最後覺得尷尬便掛了線，然後趕快地下車）

（燈轉，媽媽走到台前）

媽：點解今日咁怪嘅，所有人都好似針對住我咁！

姐：點解今日咁怪嘅，無端端我會俾人講是非！

弟：點解今日咁怪嘅，我好似聽到啲唔應該聽嘅嘢咁！

三人：唉！

麻：點解今日咁怪嘅，你三個傻咗咁幾多度做乜野，開飯喇！

（燈轉）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第五場

(家中)

嫲：大家食飯！

(三人仍然在沉思中)

嫲心聲：唉！佢哋都係唔會叫人食飯架喇！

(弟弟聽到嫲嫲的心聲突然明白了)

弟：嫲嫲食飯！

嫲：細佬乖！細佬食飯！

弟：家姐叫人食飯啦！有禮貌呀！

姐：嫲嫲食飯！媽媽食飯！

嫲：好好好！姐姐都食飯！

媽：阿媽食飯！大家都食飯啦！

嫲：我係咪發緊夢呢？

(姐與媽取出電話)

嫲心聲：我仲以為佢哋會改變，其實都係一樣

弟：家姐，媽媽你哋唔好掛住玩電話啦！咁樣食飯無益架！

姐：港婦港鐵內講電話如製造噪音！吓！媽！呢個係咪你？

媽：哎呀！真係醜死鬼！今日都唔知行咩衰運？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

姐：我今日都係呀！俾好多人係網上面講是非！

弟：我都係呀！我.....冇咩特別！

嫲：有！你特別乖！

弟：係咩？

嫲：你哋唔好怪嫲嫲長氣！姐姐，其實網上面好多事都唔可盡信，有好多時都

係俾人加鹽加醋，都唔係事實嚟。嗰啲所有嘅唔好野，咪又係人做出嚟！

如果我哋自己做好自己先，咁又駛乜怕人哋講嘢。事實就勝於雄辯，行得

正企得正，咁咪得囉！大家有禮貌咁傾計，就唔會有咁多是非！

弟：嫲嫲你咁叻嘅！

嫲：嫲嫲唔叻！嫲嫲都係睇警訊學返嚟嘅啫！不過嫲都仲記得以前教過學生既嘢，正所謂非禮勿言嘛！

媽：家姐，嫲嫲講得啱㗎，你自己諗下啦！

嫲：媽媽都講得啱，所以我哋大人要以身作則，做個好榜樣。費是啲細路有樣學樣。有時禮貌既嘢做下做下就自然習慣做㗎啦！好似細佬打機咁啫！

弟：下！咩啊？

嫲：打慣打熟嗰啲遊戲你闔埋眼都識打啦！

弟：係呀係呀！

嫲：就算輸㗎，有咩咁大不了，吸啖氣再嚟過，試下試就得架啦！

弟：聽到未呀？

姐：你唔好懶叻喇！食飯啦！

媽：食飯先啦！啲餸凍喇！

嫲：好好！你哋食先！我裝番注香！

媽：食完飯先啦！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

嫲：好快啫！

（嫲嫲裝香）

嫲心聲：今次真係多謝神明保佑，希望從今日起，佢哋都自覺做個有禮貌既人。

（嫲回卓）

嫲：做咩停晒手呀？

姐：等埋嫲嫲你吓嘛！

弟：嫲嫲！尋日我話死死死，真係好對唔住！

姐：你都會講對唔住，真係世界變！

媽：家姐，俾啲鼓勵細佬！

姐：sorry sorry! 做得好呀！

嫲：睇嚟我要買隻乳豬還神啫呀，等嫲嫲錫你一啖！

弟：嘩！唔駛喇！我大個喇！

姐：你都會怕醜咩！

（眾人笑）

弟：食飯！

（大家互望）

眾：大家食飯！

徒：好喇師傅！呢家人終於都有改進喇！

禮：呢個只係起步咋！仲有無窮無盡既人等住要去學習做個禮貌既人！

徒：咁總算好開始吓！

禮：希望由呢家人開始，慢慢去感染其他人要守禮。咁世界就會更美好！

徒：天神都有覺好瞓！

禮：冇錯！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

徒：好！收工！

禮：咪住！收番你啲法術先啦！

徒：係喎！

（揮一揮手）（燈暗）

完